

14. december 2021

**Aningaasaateqarfiit aamma peqatigiiffiit ilaat pillugit inatsisip allanngortinnejarnissaanut
inatsisit assigiinngitsut Kalaallit Nunaannut atuutilersinneqarnissaat pillugu peqqussut**

UAGUT MARGRETHER APPAAT, Danmarkip Dronningia Guutip saammaassineratigut, uppernarsarparput:

Eqqartuussisarnermik inatsisip aamma inatsisit allat assigiinngitsut allanngortinnejarnissaanik inatsimmi (Sinniisuitaqarneq pillugu inatsisip malitsigisaanik allannguutit) nr. 389, 14. juni 1995-imeersumi § 24, imm. 3ⁱ, pillaasarnermik inatsisip, eqqartuussisarnermik inatsisip aamma inatsisit allat assigiinngitsut allanngortinnejarnissaanik inatsimmi (Aningaasatigut pinerluttarnermut annertusisamik suliniutit) nr. 634, 12. juni 2013-imeersumi § 14, imm. 3ⁱⁱ, allagaatinik takunnissinnaaneq pillugu inatsisini aalajangersakkat il. il. allanngortinnejarnissaanik inatsimmi (Ingerlatsinermi tamanut ammaneq pillugu inatsisip aamma ingerlatsineq pillugu inatsisip aamma eqqartuussisarnermik inatsisip malitsigisaanik allannguutit) nr. 639, 12. juni 2013-imeersumi § 32, imm. 4ⁱⁱⁱ, aningaasaateqarfiit aamma peqatigiiffiit ilaat pillugit inatsisip allanngortinnejarnissaanik inatsimmi (Aningaasaateqarfinnut mikisunut aningaasanut killissaritap qaffanneqarnera, tunissutinik agguanermut periarfissap annertusinera, aningaasaateqarfiit aamma peqatigiiffiit ukiumoortumik naatsorsuutaannik il. il. Takunnissinnaaneq) nr. 734, 25. juni 2014-imeersumi § 3^{iv}, piginneqatigiiffiit pillugit inatsisip, sulliviit inuussutissarsiutitut ingerlatat ilaat pillugit inatsisip, inuussutissarsiutinik ingerlatsisut aningaasaateqarfiit pillugit inatsisip aamma inatsisit allat assigiinngitsut allanngortinnejarnissaanik inatsimmi (Piginnittiusut pillugit nalunaarsuinermerk eqqussineq) nr. 262, 16. marts 2016-imeersumi § 14, imm. 1^v, katersineq il. il. pillugit inatsisip aamma aningaasaateqarfiit aamma peqatigiiffiit ilaat pillugit inatsisip allanngortinnejarnissaanik inatsimmi (Inuit inatsisitigut pisussaaitaasut akornanni katersineq, testamenteqarnikkut iliuuseqarnerit il. il.) nr. 81, 30. januar 2019-imeersumi § 4^{vi} aamma piginneqatigiiffiit pillugit inatsisip, sulliviit inuussutissarsiutitut ingerlatat ilaat pillugit inatsisip, inuussutissarsiutinik ingerlatsisut aningaasaateqarfiit pillugit inatsisip aamma inatsisit allat assigiinngitsut allanngortinnejarnissaanik inatsimmi (Aningaasaatinik malunnarunnaarsasarneq pillugu malitassaq 5.-ip malitsigisaanik piginnittiusut pillugit malittarisassanik allannguineq) nr. 554, 7. maj 2019-imeersumi 14, mm. 1^{vii}, malillugit aalajangerneqarpoq:

§ 1

Aningaasaateqarfiit aamma peqatigiiffiit ilaat pillugit inatsimmi, peqqussutikkut nr. 917, 15. december 1998-meersukkut Kalaallit Nunaannut atuutilersinneqartumi, makkua allanngortinnejarnissaanik inatsimmi (Aningaasaatinik malunnarunnaarsasarneq pillugu malitassaq 5.-ip malitsigisaanik piginnittiusut pillugit malittarisassanik allannguineq) nr. 554, 7. maj 2019-imeersumi 14, mm. 1^{vii}, malillugit aalajangerneqarpoq:

1. Kapitali 1-imut qulequttami »Inatsisip atuuffia«-ta kingorna ikkunneqassaaq: »il. il.«

2. § 1-imi imm. 1-ip kingorna immikkoortutut nutaatut ikkunneqassapput:

»*Imm. 2. Uani inatsimmi aningasaateqarfik imatut paasineqassaaq, inuk inatsisitigut pisussaatitaasoq, nalilinnik pigisaqartoq, pilersitsisup nalilinnik pigisaanut attuumassuteqanngitsunik, malittarisassani aalajangersarneqartumik imaluunniit aalajangersarneqartunik anguniagassanik isumaginninnissami, ukiuni arlariinni malinnejqarsinnaasussanik, aningasaateqarfimmut tigusisinnaanermik piginnaatitaaneq atuttoq pilersitsisutut namminersortutut aqutsisusuusunut, aamma inuk inatsisitigut pisussaatitaasoq aningasaateqarfipiup avataaniittooq aningasaateqarfipiup pigisaanut nalilinnut piginnitussaassuseqanngitsoq.*

Imm. 3. Malunnaatilimmik tunissuteqartut aamma tapiissuteqartut il. il. sutigut tamatigut aningasaateqarfimmut pilersitsisumut naligitinneqassapput. Malunnaatilimmik tunissuteqartut aamma tapiissuteqartut il. il., aningasaateqarfipiup pilersinneqareerneraniit aningasaateqarfimmut nalilinnik tunniussaqartut pillugit paassisutissat, aningasaateqarfipiup oqartussaanut tunniussat tiguneqarneraniit sapaatip akunneri 4-t qaangiutsinnagit nassiunneqassapput.«

Taassuma kingorna imm. 2-5 imm. 4-7-nngussapput.

3. § 1, imm. 2, nr. 2-mi, imm. 4, nr. 2-nngortumi, indsættes efter »isumaginninneq pillugu Kalaallit Nunaannut inatsit«-ip kingorna ikkunneqassaaq: »aamma ullukkut isumaginninnermik neqeroorut pillugu inatsit«.

4. § 1, imm. 2, nr. 5-mi, imm. 4, nr. 5-nngortumi, »§ 1, imm. 4 aamma 5,« allanngortinneqassaaq imaalillugu: »§ 3.«

5. § 1, imm. 3-mi, imm. 5-nngortumi, pkt. 2.-tut ikkunneqassaaq:

»Taamaattoq aningasaateqarfik inatsimmi ilaatinneqanngissinnaanngilaq, oqartussaasoq, pkt. 1-imi taaneqartutut nakkitiginnituusoq, aningasaateqarfimmik pilersitsisuuppat.«

6. § 1, imm. 4, pkt. 1., imm. 6, pkt. 1.-nngortoq, imatut allanneqassaaq:

»Aningasaateqarfiiit, pigisaat nalillit 1 mio. kr.-niusut imaluunniit qaffasinnerusut, inatsimmi ilaatinneqanngillat.«

7. § 1, imm. 4, pkt. 2.-mi, der bliver imm. 6, pkt. 2.-nngortumi, »-mi aalajangersakkat« kingorna ikkunneqassaaq: »§ 3 a aamma 3 c.«

8. § 1, imm. 5-imi, imm. 7-nngortumi, »imm. 2, nr. 1-3, 6 imaluunniit 7, imaluunniit imm. 4, imaluunniit imm. 3 malillugit inatsimmi ilanngunneqanngitsut« allanngortinneqassaaq imaalillugu: »imm. 4, nr. 1-3, 6 imaluunniit 7, imaluunniit imm. 6, imaluunniit imm. 5 malillugit inatsimmi ilanngunneqanngitsut.«

9. I § 1-immi imm. 8-tut ikkunneqassaaq:

»Imm. 8. §§ 3 a aamma 3 c aningaasaateqarfinnut aamma atuupput, imm. 4, nr. 1-3, 6 imaluunniit 7 malillugit inatsimmi pineqartunut ilaanngitsut, imaluunniit imm. 5 malillugit inatsimmi ilanngunneqanngitsut.«

10. Kapitali 2-p kingorna ikkunneqassaaq:

»Kapitali 2 a

Piginnittuiusunik nalunaarsuineq

§ 3 a. Aningaasaateqarfimmik piginnittuiusut pillugit paasissutissanik aningaasaateqarfik piniassaaq, tak. § 3 c, tassunga ilagitillugit piginnittuiusut pisinnaatitaaffii pillugit paasissutissat.

Imm. 2. Aningaasaateqarfimmik noqqaasoqarneratigut aningaasaateqarfimmik piginnittuiusut paasissutissanik aningaasaateqarfik pilersussavaat imm. 1 malillugu aningaasaateqarfiup piniassallugit pisussaaffigisaanik.

Imm. 3. Imm. 1 malillugu aningaasaateqarfiup paasissutissat Erhvervsstyrelsenip it-kkut atortorissaarutaani nalunaarsussavaat, piaarnerpaamik aningaasaateqarfiup ilisimasaqalerneraniit inuk piginnittuiusunngortoq. Piginnittuiit pillugit paasissutissanik nalunaarsukkanik allannguineq nalunaorsorneqassaaq, piaanerpaamik aningaasaateqarfiup allannguineq pillugu ilisimasaqalerneraniit.

Imm. 4. Aningaasaateqarfik ikinnerpaamik ukiumut ataasiarluni misissortassavaa, piginnittuiusut pillugit paasissutissanik nalunaarsukkanik allanngortoqarsimanersoq.

Imm. 5. Aningaasaateqarfiup piginnittuii pillugit paasissutissat piniarneqarsimasat pillugit uppernarsaatit piginnittuiunerup taamaatinneineraniik ukiuni 5-ni aningaasaateqarfiup toqqortaatigissavai. Aningaasaateqarfiup aammattaaq piginnittuinnik kinaassusersiinermik misiliineq pillugu paasissutissat aasimasat kinaassusersiinermik misiliinerup naammassinerata kingorna ukiuni 5-ni toqqortaatigissavai.

Imm. 6. Noqqaasoqareerneraatigut aningaasaateqarfiup piginnittuiit pillugit paasissutissat Særlig Økonomisk og International Kriminalitet-imut Statsadvokatimut tunniutissavai, tassunga ilagitillugu aningaasaateqarfiup aningaasaateqarfimmik piginnittuiusut pillugit kinaassusersiinermik misiliinera. Aammattaaq noqqaasoqareerneraatigut aningaasaateqarfiup paasissutissat taaneqartut allanut oqartussaqarfinnut piginnaatitaasunut tunniutissavai, taakkua oqartussaqarfitt naliliippata, nakkutiginninnermik imaluunniit misissuinermik suliaqarnerminnut paasissutissat pisariaqartillugit.

Imm. 7. Særlig Økonomisk og International Kriminalitetimut Statsadvokatip aamma oqartussat allat piginnaatitaasut aningaasarsissutiginagu piginnittuiit pillugit paasissutissat nalunaorsorneqarsimasut ingerlateqqissinnaavaat, tak. imm. 3, imaluunniit piniarneqarsimasut, tak. Imm. 6, naalagaaffiit EU-mut ilaasortaasut oqartussaqarfiiinut aamma aningaasaqarnermut tunngasunik paasiniaasartuinut.

Imm. 8. Erhvervsstyrelsenip imm. 1 aamma 3 malillugu paasissutissat Erhvervsstyrelsenip it-kkut atortorissaarutaani nalunaorsorneqartarnerinut, pissarsiarineqarsinnaanerinut aamma

saqqummiunneqartarnerinut malittarisassat aalajangersassavai, tassunga ilagitillugu aningaasaateqarfíup suut styrelsenip it-kkut atortorissaarutaani nalunaarsussanerai.

§ 3 b. Aningaasaateqarfíit, piginnittuiusut pillugit paassisutissanik piniartussat, toqqortaateqartussat aamma nalunaarsuisussat, tak. § 3 a, noqqaasoqarneratigut inuit aamma suliffeqarfíit, aningaasaatinik malunnarunnaarsaasárneq pillugu inatsit malillugu pisisartunik nalungisaqarnissaq pillugu suleriaatsinik ingerlatsisussat, aningaasaateqarfímmik piginnittuiusut pillugit paassisutissanik pilersussavaat.

Imm. 2. Aningaasaateqarfíup oqartussaasui Erhvervsstyrelsenimit aningaasaatinik malunnarunnaarsaasárneq pillugu inatsit malillugu piginnittuiusut pillugit nalunaarsukkanut tunngatillugu eqqunngitsoqarneranik nalunaarutiginninnermik tigusaqarunik, aningaasaateqarfíup oqartussaasui pisoq pillugu misissuissapput, tak. § 34.

Imm. 3. Aningaasaateqarfíup oqartussaasuinit noqqaasoqarneratigut Erhvervsstyrelseni misissuinermut peqatigittillugu, tak. imm. 2, nalunaarutiginninneq pillugu Erhvervsstyrelsenip it-kkut atortorissaarutaani nalunaarummik saqqummiussisinnaapput, pisup aaqqiivigineqarnissaata tungaanut. Nalunaarutiginninneq pillugu aningaasaateqarfík akerliliinissamut periarfissaqassaaq, saqqummiussineq tamanna pitinnagu, imaassimangippat nalunaarutiginninneq pillugu nalunaarummik saqqummiussinerup siunertarisaa taamaalilluni isumaaruttoq.

§ 3 c. Aningaasaateqarfímmik piginnittuittut taanna imaluunniit inuit isigineqarpoq/put, toqqaannartumik imaluunniit toqqaannanngitsumik aningaasaateqarfímmik aqutsisoq/sut imaluunniit piginnittuut piginnaatitaasoq/sut, tassunga ilagitillugit

1) aningaasaateqarfíup siulersuisui aamma

2) inuit immikkut iluaquserneqartut imaluunniit, inuit ataasiakkaat, aningaasaateqarfíup agguagaannik iluaquteqartut, aningaasaateqarfímmiit suli ilisimaneqanngitsut, inuit eqimattat, aningaasaateqarfíup pilersinnejnarneranik imaluunniit ajunngitsumik ingerlaneranik pingarnerusutut soqtigisaqartut.«

11. § 4, *imm. 1, nr. 1-imi*, »ningaasaateqarfíup aqqa«-p kingorna ikkunneqassaaq: »aamma atequteqaataasinnaasut«.

12. § 4, *imm. 1-imi, nr. 1-ip* kingorna normutut nutaatut ikkunneqassaaq:

»2) aningaasaateqarfímmik pilersitsisoq (pilersitsisut),«.

Nr. 2-8 taassuma kingorna nr. 3-9-nngussapput.

13. § 4, *imm. 2, pkt. 2. aamma 3., atorunnaassapput.*

14. 6, *imm. 1, pkt. 1-imi*, »250.000 kr.-it sinneqartunik« allanngortinneqassaaq imaalillugu: »ikinnerpaamik 1 mio. kr.-nik«

15. § 6, imm. 2-mi »250.000 kr.-nik imaluunniit ikinnerusunik« allanngortinneqassaaq imaalillugu: »1 mio. kr.-nit ataallugit«

16. § 7, imm. 1, nr. 1-imi, »tassunga,«-p kingorna ikkunneqassaaq: »aamma«.

17. § 7, imm. 1, nr. 2, atorunnaassaaq.

Nr. 3 taassuma kingorna nr. 2-nngussaaq.

18. I § 7-mi imm. 1-ip kingorna immikkoortutut nutaatut ikkunneqassaaq:

»Imm. 2. Aningaasaateqarfiup siulersuisusa aalajangissavaat, pigisat nalillit, kingusinneruskkut aningaasaateqarfiup kingornussatut imaluunniit tunissutit pigiligassai, imaluunniit tassunga taarsiullugu atuutilertussaq, atorneqassasut agguaanermut imaluunniit aningaasaateqarfiup pigisaanut nuunneqassasut, imaassimannngippat kingornussitsisoq imaluunniit tunissuteqartoq tamatumunnga aalajangersagaqarsimasoq. Tamatumunnga aalajangiineq naatsorsuutit saqqummiunneqarneranni kingusinnerpaamik pissaaq. Tamanna pitinnagu aalajangiineq pisimannngippat, kingornussat imaluunniit tunissutit aningaasaateqarfiup pigisaanut nuunneqassapput. Tamatuma saniatigut § 27, imm. 1, assinganik atuutissaaq.«

Imm. 2-4 taasuma kingorna imm. 3-5-nngussapput.

19. § 7, imm. 3-mi, imm. 4-nngortumi, »imm. 1 aamma 2« allanngortinneqassaaq imaalillugu: »imm. 1 aamma 3«.

20. § 9, imm. 2, pkt. 1.-imi, »aamma kommunimi aningaasaateqarfiup angerlarsimaffigisaani akileraartarnermut oqartussaqarfimmut« piissaaq.

21. § 10, pkt 1., imatut allanneqassaaq:

»Siulersuisuni ilaasortat aamma pisortaanerit oqartussaaneq pillugu inatsimmut peqqussut nr. 306, 14. maj 1993-imeersoq malillugu imminnut oqartussaaffigissapput aammalu sinniisutitaqarnerup ataaniissanngillat imaluunniit sinniisutitaqaqatiigiinnerup ataaniissanngillat.«

22. § 11, imm. 4-mi, »erseqqisumik« piissaaq.

23. § 22, simm. 1, pkt. 1., imatut allanneqassaaq:

»Kukkunersiusoq oqartussaaneq pillugu inatsimmut peqqussut nr. 306, 14. maj 1993-imeersoq malillugu imminnut oqartussaaffigissapput aammalu sinniisutitaqarnerup ataaniissanngillat imaluunniit sinniisutitaqaqatiigiinnerup ataaniissanngillat.«

24. § 29, imm. 1, pkt. 2.-mi, »ukununnga atuuppoq«-p kingorna ikkunneqassaaq: »inuit taaneqartut meeraat ukiukitsut aamma«.

25. § 40, imm. 1-imi, »Makkuninnga nioqqutitsineq«-p kingorna ikkunneqassaaq: »§ 3 a, imm. 3, 5 aamma 6,«.

26. § 40, imm. 2, nr. 1-imi, »imaluunniit § 38« piissaaq.

27. § 40-mi imm. 5-itut ikkunneqassaaq:

»Imm. 5. Inatsimmi aalajangersakkanik imaluunniit inatsit malillugu malittarisassanik atuutilersinneqartunik unioqqutitsinerit pisoqalinissaannut ukiut 5-t piffissatut killiliussaapput.«

28. § 42, imm. 1, nr. 4, atorunnaassaaq.

Nr. 5 aamm 6 taassuma kingorna nr. 4 aamma 5-nngussapput.

29. § 42, imm. 2-mi, »nr. 1 aamma 5,« allanngortinneqassaaq imaalillugu: »nr. 1 aamma 4,«.

30. § 43 imatut allanneqassaaq:

»§ 43. Kinaluunniit aningaasaateqarfimmik oqartussaasuniit aningaasaateqarfiup ukiumoortumik naatsorsuutaasa assilinerinik pissarsisinnaavoq. Pisortat ingerlatsinerat pillugu paasitinneqarsinnaataaneq pillugu Inatsisartut inatsisaanni § 12 assinganik atuutissaaq.

Imm. 2. Imm. 1 malillugu noqqaaneq pillugu suliaqarnissamut aningaasaateqarfik pisussaavoq piaarnerpaamik aamma sapaatip akunneri marluk iluini ukiumut naatsorsuutit assilinerinik aningaasaaetarfiup oqartussaasuinet taakkua noqqaaneratigut nassiussinissamut.«

31. § 44, imm. 2, pkt. 2., imatut allanneqassaaq:

»Malittarisassanik allannguinerit kingusinnerpaamik allannguinerit akuerineqarneraniit sapaatip akunneri 4-t qaangiutsinnagit nassiunneqassapput.«

32. § 45-mi »§ 44, imm. 2,«-p aamma »§ 46, imm. 2,«-p kingorna ikkunneqassaaq: »pkt. 1.,«.

33. § 46, imm. 2, pkt. 2., imatut allanneqassaaq:

»Kingusinnerusukkut pisortat inissititigaanerat pillugu nalunaarut, allannguinerup akuerineqarneraniit kingusinnerpaamik sapaatip akunneri 4-t qaangiutsinnagit nassiunneqassaaq.«

34. § 48-p kingorna ikkunneqassaaq:

»§ 48 a. Peqatigiiffimmut piginnittuiit pillugit paasissutissanik peqatigiiffik piniassaaq, tak. § 48 b, tassunga ilagitillugit piginnittuiit pisinnaatitaaffii pillugit paasissutissat.

Imm. 2. Peqatigiiffiup noqqaaneratigut peqatigiiffiup imm. 1 malillugu peqatigiiffiup piniassallugit pisussaaffigisaanik peqatigiiffik pilersussavaa.

Imm. 3. Peqatigiiffik imm. 1 malillugu paasissutissat Erhvervsstyrelsenip it.-kkut atortorissaarutaani nalunaarsussavai, piaarnerpaamik peqatigiiffiup ilisimasalerneraniit, inuk piginnittuiusunngorsimasoq. Piginnittuiit pillugit paasissutissanik nalunaarsukkanik allannguineq

sunaluunniit, nalunaarsorneqassaaq, piaarnerpaamik peqatigiiffiup allannguinermik ilisimasaqalerneraniit.

Imm. 4. Peqatigiiffiup ikinnerpaamik ukiumut ataasiarluni misissortassavaa, piginnittuiit pillugit paasissutissanik nalunaarsukkanik allanngortoqarsimanersoq.

Imm. 5. Peqatigiiffimmut piginnittuiusut pillugit paasissutissat piniarneqarsimanerannut uppermarsaat peqatigiiffiup piginnituiunerup taamaatinneqarneraniit ukiuni 5-ni toqqortaatigissavaa. Aammattaaq peqatigiiffiup piginnittuiusut kinaassusersineqarnerannik misiliineq pillugu paasissutissat piniarneqarsimasut pillugit uppermarsaat kinaassusersiinermik misiliinerup naammassineqarneraniit ukiuni 5-ini toqqortaatigissavaa.

Imm. 6. Noqqaasoqarneratigut peqatigiiffiup peqatigiiffimmut piginnittuiit pillugit paasissutissat Statsadvokaten for Særlig Økonomisk og International Kriminalitet-imut tunniutissavai, tassunga ilagitillugu peqatigiiffiup peqatigiiffimmut piginnittuiusut kinaassusersiniarlugit misiliinera. Aammattaaq noqqaasoqarneratigut peqatigiiffiup paasissutissat taaneqartut oqartussaqarfinnut piginnaatitaasunut allanut tunniutissavai, taakkua oqartussaqarfiiit naliliippata, nakkutilliinermik aamma misissuinerminnut paasissutissat pingaaruteqartut.

Imm. 7. Statsadvokaten for Særlig Økonomisk og International Kriminalitet-ip aamma oqartussaqarfiiit piginnaatitaasut allat akissarsiaqaatiginagu piginnittuiusut pillugit paasissutissat nalunaarsorneqarsimasut ingerlateqiisiinnaavaat, tak. imm. 3, imaluunniit piniarneqarsimasut, tak. imm. 6, naalagaaffit EU-mut ilaasortaasut oqartussaqarfiiinut piginnaatitaasunut aamma aningaasaqarnermik paasiniaasartuinut.

Imm. 8. Paasissutissat Erhvervsstyrelsenip it-kkut atortorissaarutaani imm. 1 aamma 3 malillugu nalunaarsorneqarneri, piniarneqarneri aamma saqqummiunneqarneri pillugit malittarisassanik Erhvervsstyrelseni aalajangersaassaaq, tassunga ilagitillugu paasissutissat suut peqatigiiffiup styrelsenip it-kkut atortorissaarutaani nalunaarsussanerai.

§ 48 b. Peqatigiiffimmik piginnittutut isigisaapput inuk imaluunniit inuit, toqqaannartumik imaluunniit toqqaannanngitsumik peqatigiiffimmik aqutsisut imaluunniit allatut piginnittutut piginnaatitaasut, tassunga ilagitillugit

- 1) peqatigiiffimmik aallartitsisut,
- 2) peqatigiiffiup siulersuisui aamma

3) inuit immikkut iluaquserneqartut imaluunniit, inuit ataasiakkaat, aningaasaateqarfiiup agguagaannik iluaquteqartut, aningaasaateqarfimmit suli ilisimaneqanngitsut, inuit eqimattat, aningaasaateqarfiiup pilersinneqarneranik imaluunniit ajunngitsumik ingerlaneranik pingarnerusutut soqtigisaqartut.

§ 48 c. Noqqaasoqarneratigut peqatigiiffiit peqatigiiffimmik piginnittuiusut pillugit paasissutissanik pilersussavaat inuit aamma suliffeqarfiiit, aningaasanik malunnarunnaarsaasarniq pillugu inatsit malillugu kiffartuussanik ilisimannineq pillugu periutsinik suliaqartussat.

Imm. 2. Civilstyrelseni Erhvervsstyrelsenimiit aningaasanik malunnarunnaarsaasarniq pillugu inatsit malillugu paasissutissat nalunaarsorneqarsimasunut tunngatillugu eqqunngitsoqarneranik nalunaarutiginninnernik tigusaqarunik, Civilstyrelseni pisoq pillugu misissuinerminnut ingerlatsissaaq.

Imm. 3. Civilstyrelsenip noqqaaneratigut Erhvervsstyrelseni misissuinermut ilutigitillugu, tak. Imm. 2, nalunaarutiginninneq pillugu nalunaarummik Erhvervsstyrelsenip it-kkut atortorissaarutaani saqqummiussisinnaavoq, pisup aaqqiivigineqarnissaata tungaanut. Nalunaarutiginninneq pillugu peqatigiiffik akerliliinissamut periarfissaqassaaq, saqqummiussineq tamanna pitinnagu, imaassimannngippat nalunaarutiginninneq pillugu nalunaarummik saqqummiussinerup siunertarisaa taamaalilluni isumaaruttoq.

§ 48 d. Civilstyrelseni piumasaqaateqarsinnaavoq, peqatigiiffiup siulersuisuiniit, kukkunersiusuaniit imaluunniit allaniit peqatigiiffimmi pissutsinik ilisimannittuniit, peqatigiiffiup § 48 malillugu pisussaaffimminik naammassisimaneranut paasissutissat pisariaqartutut Civilstyrelsenip naliligaanik tunniussinissamik.

Imm. 2. Civilstyrelsenip peqatigiiffik peqqusinnaavaa, pisut § 48 a-mut akerliusut aaqqinnejarnissaannik.«

35. § 50-imi »amma § 46, imm. 2,« allanngortinneqassaaq imaalillugu: »§ 46, imm. 2, amma § 48 a, imm. 3, 5 amma 6, amma § 48 d, imm. 1 malillugu paasissutissanik tunniussinnginneq, imaluunniit § 48 d, imm. 2 malillugu peqqusummiik eqquutsitsinnginneq,«.

36. § 52, *imm. 1*, atorunnaassaaq, amma taarsiullugu ikkunneqassaaq:

»Akileraartarnermut oqartussaasunit kinaluunniit peqatigiiffiup ukiumut naatsorsuutaasa assilinerinik pissarsisinnaavoq. Ingerlatsinermi tamanut ammaneq pillugu inatsimmi §§ 30 amma 34 assinganik atutissapput.

Imm. 2. Imm. 1 malillugu noqqaanermik suliaqarnissamut tunngatillugu, peqatigiiffik pisussaavoq, ukiumut naatsorsuutit assilinerinik akileraartarnermut oqartussaasunut piaarnerpaamik amma sapaatip akunneri 2-t qaangiutinnginnerini nassiussinissamut.«

Imm. 2 taassuma kingorna imm. 3-nngussaaq.

Christiansborg Slot-imi tunniunneqarpoq, ulloq 14. december 2021

Kunngitut Uppernarsaavugut amma Naqissusiivugut

MARGRETHE R.

/ Nick Hækkerup

-
- i Aalajangersagaq imatut oqaasertaqarpoq: »*Imm. 3.* §§ 4-13 aamm 17-20 kunngip peqqussutaatigut Kalaallit Nunaannut atuutilersinneqarsinnaapput, Kalaallit Nunaanni pissutsinut naapertuuttunik nikinganeqartillugit.«
- ii Aalajangersagaq imatut oqaasertaqarpoq: »*Imm. 3.* §§ 3, 5-7, 10 aamma 11 kunngip peqqussutaatigut Kalaallit Nunaannut tamakkiisumik ilaannakortumilluunniit atuutilersinneqarsinnaapput, Kalaallit Nunaanni pissutsinut naapertuuttunik allannguuteqartillugit.«
- iii Aalajangersagaq imatut oqaasertaqarpoq: »*Imm. 4.* §§ 1, 3, 8, 21 aamma 23-30 kunngip peqqussutaatigut Kalaallit Nunaannut tamakkiisumik ilaannakortumilluunniit atuutilersinneqarsinnaapput, Kalaallit Nunaanni pissutsinut naapertuuttunik allannguuteqartillugit.«
- iv Aalajangersagaq imatut oqaasertaqarpoq: »Inatsit Savalimmiunut aamma Kalaallit Nunaannut atuutingilaq, kisiannili kunngip peqqussutaatigut Kalaallit Nunaannut tamakkiisumik ilaannakortumilluunniit atuutilersinneqarsinnaavoq, Kalaallit Nunaanni pissutsinut naapertuuttunik allannguuteqartillugu.«
- v Aalajangersagaq imatut oqaasertaqarpoq: »*Imm. 1.* Inatsit Savalimmiunut aamma Kalaallit Nunaannut atuutingilaq, kisiannili kunngip peqqussutaatigut nunap ilaanut atuutilersinneqarsinnaavoq Kalaallit Nunaanni aamma Savalimmiunut pissutsinut naapertuuttunik allannguuteqartillugu, taamaattoq tak. imm. 1 aamma 2.«
- vi Aalajangersagaq imatut oqaasertaqarpoq: »Inatsit Savalimmiunut aamma Kalaallit Nunaannut atuutingilaq, kisiannili kunngip peqqussutaatigut Kalaallit Nunaannut tamakkiisumik ilaannakortumilluunniit atuutilersinneqarsinnaavoq, Kalaallit Nunaanni pissutsinut naapertuuttunik allannguuteqartillugu.«
- vii Aalajangersagaq imatut oqaasertaqarpoq: »Inatsit Savalimmiunut aamma Kalaallit Nunaannut atuutingilaq, kisiannili kunngip peqqussutaatigut Kalaallit Nunaannut aamma Savalimmiunut tamakkiisumik ilaannakortumilluunniit atuutilersinneqarsinnaavoq, Kalaallit Nunaanni aamma Savalimmiuni pissutsinut naapertuuttunik allannguuteqartillugu, taamaattoq tak. imm. 2 aamma 3.«